

non nisi idoneis eam committant. Vt clarè patet per d. c. i. de consang. & affinit. & in simili per Cle. dudum de sepul. Si enim gestit quis, quas condiciones debet habere quis ad hoc quod dicatur idoneus, cui hæc potestas utendi gratis prædictis concedatur? Audiat Clementem Papam in d. Cle. dudum de Sepul. Vbi monens prælatos Mendicantium eligere fratres ad Confessiones sæcularium audiendas, sic ait. Prælatorum fratrum prælati studeant eligere personas sufficientes, idoneas, vita probatas, discretas, modestas, atque peritas ad tale salubre ministerium & officium exequendum. Hoc textus. Cuperem hoc a candido lectore eo animi sui candore legi, quo à scribente est exaratum, quandoquidem sincerè, nulliq; detractans, dixi.

¶ Secundo aduertendum est circa illa verba omnimodam auctoritatè nostram, quod per illa non venit intelligendum totum, quod aliàs Papa potest, quia iam Prouincialis, aut Cõmissarius Generalis &c. Posset creare novos Episcopatus, deponere Reges, & alia &c. Sed illa intelligit, quæ communiter Papa suis legatis commendat, & alia quæ non semper, sed aliquando, & perquam raro committit, quæ vi